



**Claudii Fleurii Abbatis Historia Ecclesiastica**

Ab Anno 859. Usque Ad Annum 887

**Fleury, Claude**

**August. Vind. [u.a.], 1760**

**VD18 90117875**

§. 25. Carolus Rex Lotharingiæ coronatur.

---

[urn:nbn:de:hbz:466:1-66112](https://nbn-resolving.de/urn:nbn:de:hbz:466:1-66112)

Sæculum IX. dio existere, atque ad ejus defensionem  
A. C. 869. ma, quæ Deus nostris manibus commissum  
in promptu esse. Ita Pontifex Regnorum  
 dispensatorem se constituebat. (\*)

Hanc epistolam quinta Sept. anno 869. datam Episcopi duo Paulus & Leo ad hoc solum negotium delegati, deliverunt. Iisdem duæ aliæ epistolæ eadem die datæ commissæ, altera ad Episcopos in regno Caroli, altera peculiari ter ad Hincmarum Remensem directa Hortatur Papa, ut Carolum ab iniquo molimine abstraherent, Hincmaro potestatem tribuit, qua tanquam Delegatus a Sancta Sede ageret, & repetit anathematis comminationem. Sed, priusquam Legati in Franciam pervenire potuerint, consummatum fuit negotium.

### §. XXV.

*Carolus Rex Lotharingiæ coronatur.*

Quippe Rex Carolus percepta Lotharii morte, nihil prius habuit, quam in defun-

(\*) Non satis æquus Hadriano Pontifici hic est Fleurius; cum ille non suo arbitrio Regnum dispensare, sed, rogatus ab Imperatore, Principes ad ea, quæ jurato promiserant, servanda exhortari & Ludovico, adversus Saracenos, infessissimos Christianorum hostes, pugnanti favere voluerit.

defuncti regnum movere, atque com. Sæculum IX.  
pluribus Optimatibus, Episcopisque ultro A. C. 869.  
se submittentibus, cum quinta Sept. anno Ann. Bert.  
octingentesimo sexagesimo nono Metas 869.  
pervenisset, Feria sexta ejusdem mensis  
die nona solemni pompa coronatus est,  
in hunc modum:

Episcopis, numero septem, in Eccle- tom. 2. Cap.  
sia Cathedrali S. Stephani, videlicet Hinc p. 215.  
maro Archiepiscopo Remensi, Adventio to. 8. Conc.  
Episcopo Metensi, Hattone Virdunensi, n. 1532.  
Arnulpho Tullensi, Francone Tungrensi,  
Hincmaro Laudunensi, jam tunc e car- ap. Hincm.  
cere emisso, & Odono Bellovacensi con- to. 1. p. 741.  
gregatis, Rege, Optimatibus, & frequen-  
ti populo præsentibus, Adventius Episco-  
pus profatus dixit: *Neminem vestrum*  
*ignorare arbitror, quantas ærumnas per-*  
*pessi fuerimus sub Rege Domino nostro de-*  
*functo, & quam acerbis dolor, cum misera-*  
*ræ mortis modum percepimus, pectora no-*  
*stra obruerit.* *Ad jejunia igitur & pre-*  
*ces configimus, auxilium ab eo solo flagi-*  
*tantes, qui solus consolatur afflitos, boni*  
*consilii auctor, & mortalibus Regna di-*  
*spensat.* *Oravimus, ut nobis daret Re-*  
*gem secundum cor suum, omniumque men-*  
*tes ad concordiam componeret, qua illum,*  
*quem ipse elegisset, unanimi consensu re-*  
*ciperemus.* *Dei vero voluntatem cognos-*  
*imus ex concordia, qua sponte nos sub-*  
*mittimus Regi Carolo præsenti, bujus*  
*Regni*

Sæculum IX. Regni Hæredi legitimo. Unde gratia  
A. C. 869. Deo, bunc Principem nobis concedenti, canus, & oremus, ut eundem nobis defensionem Ecclesiæ & pacem nostram diutissime conservet. Sed in primis ea Regis ore audiamus, quæ Principem Christianissimum & populum fidelem docent.

Tunc autem Rex Carolus, Hic sermo, inquit, omnium Episcoporum nomine prolatus, & plausus vestri jucundissimi satis demonstrant, me ex Dei electione & pro vestra salute hic adveni.

**Caroli Calvi** Scitote igitur, me Dei honorem, ejusque Oratio. & Ecclesiarum Servitium conservare, numquemque ex vobis honorare, pro gradu dignitatis suæ defendere, jus suum secundum Leges Ecclesiasticas & Civiles dare velle, ea conditione, ut quilibet milite bonorem, obedientiam, auxilium eo modo quo majores vestri Antecessoribus meis exhibeat.

Postea rogatus a quatuor Episcopis Provinciæ Trevirensis Archiepiscopus Hincmarus dixit: Si quem forte admiratio subeat, cur ego & Episcopi Provinciæ nostræ negotiis alterius provinciæ immisceamur, sciat, quod in Gallia Belgica Ecclesiæ Remensis & Trevirensis professoribus unius provinciæ habeantur, & cunctim sua celebrent Concilia, quibus ille ex duabus Archiepiscopis praeficitur, qui Ordinatione prior est. Pra-

terea, cum illius provinciæ Fratres no- Sæculum IX.  
stri bodie Metropolitanum non habeant, A. C. 869.  
rogarunt me ex charitate fraterna, ut  
tam ipsorum quam meo nomine agerem.  
An non ita res se habet, Fratres mei?  
Episcopi Provinciæ Trevirensis, hæc o-  
mnino ita esse, responderunt. Nimi-  
rum, deposito & fatis functo Theut-  
gaudo Archiepiscopo Sedes Trevirensis  
tunc vacabat.

Archiepiscopus Hincmarus sermo-  
nem prosecutus, *præter divinæ volunta-*  
*tis indicia*, inquit, *quæ vobis Adventius*  
*Episcopus exposuit, meminisse vos opor-*  
*tet, Regis nostri Parentem Ludovicum*  
*Imperatorem sanctæ memoriac per San-*  
*ctum Arnulphum genus duxisse ex fami-* Ampullæ de  
*lia Clodovei, qui a S. Remigio cum tota Cælo.*  
Francorum Gente conversus, in Metro-  
poli Remensi baptizatus, & oleo de Cælo  
misso bodieque apud nos extante conse-  
cratus fuit. Idem Ludovicus Stepba-  
ni Papæ manibus Remis Imperator co-  
ronatus, postea a factiosis hominibus Im-  
perio dejectus, in hac Ecclesia Metensi  
restitutus & ante hoc Altare S. Ste-  
phano sacrum ab Episcopis secundo coro-  
na redimitus est, nobis ipsis, qui adsu-  
mus, præsentibus. Cum ergo in Histo-  
riis sacris legamus, quocunque regno ac-  
quisito Reges iterum coronari solitos,  
bis Episcopis videtur, si & vos consen-  
tiatis,

Sup. Lib.  
XLVI.

§. 21.

ibid. §. 48.

Sæculum IX. tiatis, Principem præsentem ad hoc Altare, esse coronandum, accepto Regno, in quo ei liberrime obedientiam promittit. Edicite, an hæc omnibus stet sententia. Omnibus hilari clamore consensum profertibus, Archiepiscopus, Gratias ago, inquit, agamus, & cantemus Te Deum Laudamus! Non memini, ante Hincmarum quemquam hæc duo facta literis mandasse, S. Arnulphum cognitione sanguinis Clodoveum contigisse, & ad illum Regem ungendum oleum cælo fuisse allatum.

*ap. Hincm.  
p. 744.*

*Miss. Ro.*

His dictis, sex Episcopi singulatim orationem super Regem ante Altare S. Stephani pronunciarunt, quibus Hincmarus Archiepiscopus addidit Benedictionem solemnem, simulque Regis frontem sacro Chrismate, semi circulum ab aure dextra usque ad sinistram ducens, tum etiam verticem inunxit. Mox eodem Archiepiscopo aliam Benedictionem recitante ceteri Episcopi Regi coronam imponunt, palmamque & sceptrum tradunt. Hæc omnia peracta ante Missam, in qua deinde commemoratio facta S. Gorgonii Martyris, hodieque ab Ecclesia Romana, nempe nona Septembri, culti, & tandem orationes pro Rege recitatæ, quales etiamnum nostra ætate leguntur.

§. XXVI.